

# PROSPEKTUS: HOëRSKOOL MONTAGU

## ONS WAARDES

Ons dien ons taal, ons nasie en ons land  
Ons dien ons gemeenskap en medemens  
Ons gehoorsaam en respekteer ons ouers/voogde en meerderes  
Ons stry 'n stryd vir die behoud van die goeie  
en streef die ontwikkeling van 'n waardegedrewe karakter na  
Ons woord is ons eer  
Ons dien ons skool en streef daarna om sy goeie naam uit te bou  
Ons streef daarna om eerlik, opreg, getrou en vriendelik te wees  
Ons jaag wysheid en kennis na  
Ons glo dat dit die beginsel van wysheid is om  
mekaar te respekteer en die kwaad te vermy  
Ons eerbiedig die leuse van ons skool.

## VISIE

'n Skoolomgewing waarin die potensiaal van almal op akademiese-, kulturele- en sportgebied optimaal verwesenlik kan word en leerlinge in hul totaliteit kan ontwikkel.

## MISSIE

Die missie van Hoërskool Montagu is om elke leerling deur goeie, gebalanseerde, opvoedende onderwys op doelgerigte en planmatige wyse met behulp van Afrikaans as voertaal te begelei tot volwassenheid sodat hy/sy eendag sy/haar plek in die naskoolse lewe op 'n verantwoordelike wyse kan inneem.

## 1.1 TOELATING: H/S MONTAGU: TOELATINGSBELEID VAN LEERDERS

Toelatingsbeleid van die Hoërskool Montagu, ingevolge Artikel 5 van die Suid-Afrikaanse Skolewet, 1996 (Wet 84 van 1996)

### 1.1 Algemeen

Hierdie toelatingsbeleid is addisioneel tot die Grondwet van die Beheerliggaam en die Gedragskode van bogenoemde skool.

### 1.2 Aansoek om toelating

- 'n Aansoek sal net oorweeg word, indien die wettige ouer/voog die skool voorsien van:
  - 'n volledig voltooide aansoekvorm,
  - 'n amptelike geboortesertifikaat of ID van die aansoeker en die ID's van die biologiese ouers of voog/de
  - en die oorspronklike, mees onlangse skoolrapport, van die aansoeker.

**Indien enige van bogenoemde ontbreek, sal die aansoek as onvolledig beskou word.**

### 1.3 Beginsels vir toelating

Die Beheerliggaam van hierdie skool aanvaar die volgende beginsels as riglyne vir toelating van leerders:

- 1.3.1 As Wiskunde en Wetenskap Fokusskool word daar voorkeur gegee aan leerders wat oor die vermoë beskik om Wiskunde en of Fisiese Wetenskappe en of Lewenswetenskappe as vakke met sukses te kan neem tot in graad 12. Daar kan dus ingevolge gronde vir regverdige diskriminasie wees rakende toelating en kan die punte wat behaal word in provinsiale toetse gebruik word om geskiktheid vir toelating te bepaal.
- 1.3.2 Alhoewel die voedingsarea van hierdie skool primêr die Montagu-, Ashton- en Koo-omgewing is, kan leerders op grond van hulle akademiese potensiaal in bogenoemde vakke uit 'n groter gebied tot die skool toegelaat word.
- 1.3.3 Voorkeur word gegee aan leerders wat nie meer as 18 maande ouer is as die normale ouderdom van die leerlinge in die betrokke graad nie.
- 1.3.4 Die Beheerliggaam behou hom die reg voor om 'n perk te plaas op klasgroottes en om leerlinge toelating te weier, wanneer 'n betrokke graadgroep reeds in só 'n mate beset is, dat daar nie meer leerlinge tot daardie graad toegelaat kan word nie (met inagneming van die fisiese geriewe beskikbaar en die onderwyser-leerling-verhouding soos deur die Wes-Kaapse Departement van Onderwys neergelê word as norm).
- 1.3.5 Leerders wat hulle voorheen skuldig gemaak het aan, of ondersoek word vir die pleging van 'n ernstige oortreding, en/of tydelik of permanent uit 'n ander skool gesit is, of hulle voorheen skuldig gemaak het aan optrede wat skade en/of beserings aan leerders of opvoeders tot gevolg gehad het, kan toelating geweier word.

#### 1.4 Toelatingsprosedure

'n Volledige aansoek soos uiteengesit in Afdeling 1.2 van die Toelatingsbeleid, moet deur die wettige ouer/voog persoonlik by die administratiewe kantoor van die skool ingedien word vir kontrole. Die skool erken die aansoek eers nadat kontrole plaasgevind het en die aansoek in die Aansoekregister van die skool aangeteken is en 'n ontvangserkenningsnommer aan die aansoeker uitgereik is. Hierna word die aansoek verwerk en word daar terugvoering aan die aansoeker gegee oor die status van sy/haar aansoek. Dit is baie belangrik om daarop te let dat aansoek om toelating, nie toelating tot die skool verseker nie. Toelating tot hierdie skool is eers gefinaliseer, nadat daar skriftelik 'n plek aan 'n leerder aangebied is en die registrasie van die leerder afgehandel is. Die aansoek van 'n leerder word slegs oorweeg, nadat die skool voorsien word van 'n rapport wat aandui dat die aansoeker voldoen aan die slaagvereistes om na die betrokke graad te vorder.

#### 1.5. Taalbeleid: Die Taalbeleid van die Hoërskool Montagu ingevolge Artikel 6 van die Suid-Afrikaanse Skolewet van 1996 (Wet 84 van 1996).

##### 1.5.1 Algemeen

Die taalbeleid is addisioneel tot die Reglement van Orde van Hoërskool Montagu.

##### 1.5.2 Beginsels vir Taalbeleid

Die volgende beginsels geld as riglyne vir die taalbeleid van hierdie skool:

- Elke persoon het die reg van toegang tot basiese opvoeding en van toegang tot 'n skool.
- Geen vorm van diskriminasie sal in die uitvoering van hierdie beleid plaasvind nie.
- Die medium van onderrig by hierdie skool is Afrikaans, uitgesonderd onderrig in die vak Engels.
- Anderstalige leerders kan wel toegelaat word, met dien verstande dat hulle hul vakonderrig deur middel van medium Afrikaans ontvang.

#### 1.6 Beleid: Godsdiensoefening: Die beleid van die Hoërskool Montagu ingevolge Artikel 7 van die Suid-Afrikaanse Skolewet van 1996 (Wet 84 van 1996).

##### 1.6.1 Algemeen

Die godsdiensoefening is addisioneel tot die Reglement van Orde van Hoërskool Montagu.

##### 1.6.2 Beginsels vir Godsdiensoefening

Die Beheerliggaam van hierdie skool aanvaar die volgende beginsels as riglyne vir godsdiensoefening by hierdie skool:

- Christelike godsdiensoefening word as uitgangspunt gebruik tydens saalbyeenkomste, CSV en ander geleenthede waar Godsdiensoefening plaasvind.
- Die bywoning van hierdie geleenthede waar Godsdiensoefening plaasvind, is vry en vrywillig. Leerders en personeel wat 'n grondige beswaar het, kan verskoon word, nadat daar reëlins met die skoolhoof getref is.

## 1.7 Skoolgelde

Die skool is 'n skoolgeldbetalende skool. Skoolgeld is onderhewig aan verandering. Die verpligte skoolgeld vir 2023 beloop R12 870,00 per jaar per kind. Finansiële ondersteuning is beskikbaar vir ouers wat daarvoor kwalifiseer.

## 2. AKADEMIES

### 2.1 LEERAREAS AANGEBIED VIR DIE ALGEMENE ONDERWYS-FASE

#### GRAAD 8 & GRAAD 9

1. Taalgeletterdheid & Kommunikasie (Afrikaans en Engels)
2. Mens- & Sosiale Wetenskappe
3. Tegnologie
4. Wiskunde
5. Natuurwetenskappe
6. Kuns & Kultuur
7. Ekonomiese & Bestuurswetenskappe
8. Lewensoriëntering

### 2.2 VAKKE AANGEBIED VIR DIE VERDERE ONDERWYS-FASE

#### GRAAD 10 (2023)

##### Verpligte vakke:

1. Afrikaans Huistaal
2. Engels Huistaal / Engels Eerste Addisionele Taal
3. Wiskunde / Wiskundige Geletterdheid
4. Lewensoriëntering

##### Keusevakke (Kies 3 vakke):

5. Fisiese Wetenskappe OF Geskiedenis OF Rekenaartoepassingstegnologie
6. Lewenswetenskappe OF Besigheidstudies OF Ingenieursgrafika- en Ontwerp OF Toerisme
7. Rekeningkunde OF Geografie OF Lewenswetenskappe OF Toerisme OF Kuns

##### Ekstra vakke (Bykomende onkoste en onderworpe aan keuring)

8. Rekenaartoepassingstegnologie word as ekstra vak vanaf Graad 10 aangebied.

### 3. ANDER BELANGRIKE GEGEWENS

#### 3.1 REKENAARSENTRUMS

Die Hoërskool Montagu plaas 'n baie hoë premie op rekenaaronderrig en rekenaargeletterdheid. Die skool beskik oor twee moderne rekenaarsentrums, naamlik 'n Wiskunde en Wetenskap Rekenaarlaboratorium en 'n vak rekenaarsentrum. Hierdie sentrums is beskikbaar vir die gebruik deur al die leerders. Leerders kan 'n eie e-posadres kry en het ook toegang tot die Internet. Vanaf Graad 10 word Rekenaar-toepassingstegnologie as eksamenvak aangebied.

#### 3.2 MUSIEK

UNISA se musiekeksamens word deur die WKOD erken as 'n eksamenvak. Leerders wat UNISA Musiek (graad 4) voltooi het, ontvang erkenning vir Graad 10 Musiek, UNISA Musiek (graad 5 en hoër) vir Graad 11 Musiek en UNISA (graad 6 en hoër) vir Graad 12 Musiek.

### 4. BUITEMUURSE BEDRYWIGHEDE

Deelname aan buitemuurse bedrywighede word vergemaklik deurdat die meerderheid van die bedrywighede op 'n Dinsdag en Donderdag direk na afloop van die skooldag, tydens die aktiwiteitsperiode, plaasvind. Die buitemuurse program word elke middag van die week op 'n georganiseerde basis beoefen en aan elke bedrywigheid word 'n bepaalde tyd op die middagprogram toegeken. Deelname aan die buite-kurrikulêre program is in belang van u kind en leerders behoort aan ten minste een somer- en winteraktiwiteit deel te neem. Ouers behoort hulle kinders daartoe aan te moedig.

#### 4.1 SPORTSOORTE

Atletiek	Netbal	Golf
Tennis	Rugby	Krieket
Hokkie		

#### 4.2 VERENIGINGS, KULTUUR EN ANDER

VCSV	Toneel	Skoolkoerant	Skaak	Kultuurkomitee
Skoolkoor	Musiek	Landsdiens	Kuns	Biblioteek
Redenaars	Noodhulp	Leierskursusse	Revue	

Die leerders kry ook geleentheid tot kulturele verfyning deur o.a. die bywoning van opvoerings, uitstallings, leierskaps- en vakansiekursusse en deur deelname aan kunswedstryde, redenaarskompetisies, die kwartaallikse koerant, toneelfeeste, en olimpiades.

**H/S MONTAGU:** POSBUS 85 MONTAGU 6720 [TEL: 023-6141390](tel:023-6141390) FAKS: 0865447251

EPOS:mhsadmin@barvallei.co.za **WEBWERF:** [www.hsmontagu.com](http://www.hsmontagu.com)

## 5. SKOOLDRAG

### 5.1 SEUNS

- Grys broek; wit hemp (somer)
- Swart baadjie, skooldas, wit hemp, grys broek (winter)
- Skoolkouse (grys kouse)
- Swart skoolskoene (met veters)
- Swart trui
- Voorgeskrewe swart handskoene en/of serp (opsioneel in die winter)

### 5.2 DOGTERS

- Groen romp; wit hemp; wit sokkies; swart skoolskoene (somer)
- Groen romp; wit hemp; swart baadjie; skooldas; swart kouse (winter)
- Swart trui
- Voorgeskrewe handskoene en/of serp (opsioneel in die winter)
- Grys langbroek (winter) met grys kouse (opsioneel)

### 5.3 LEWERANSIERS

Sweetpakke, sporthemde, groen skoolrompies en sportsakke is verkrygbaar by Laerskool Montagu se klerewinkel.

### 5.4 BOEKTASSE

Die boektas is deel van 'n leerder se skooluniform en moet dus onberispelik netjies vertoon. Dit moet 'n stewige tas wees, sodat boeke nie beskadig kan word nie. Die boektasse mag slegs donker groen/swart/donkerblou van kleur wees en mag nie helder neokleure bevat nie. Slegs die naam van die leerder mag op die skooltas aangebring word.

## 6. VERVOER: ASHTON-LEERDERS

Leerders van Ashton word daagliks per bus na en van Montagu vervoer. Vir sportoefeninge en ander buitemuurse bedrywighede word 'n skoolbus beskikbaar gestel om Ashton-leerders terug te neem. Vir die daaglikse vervoer van leerders word busgeld per maand betaal, volgens voorgeskrewe tariewe, soos vasgestel deur die Beheerliggaam. Plek op die Ashton bus is beperk en ouers/voogde word aangemoedig om van koshuis verblyf gebruik te maak, indien nodig. Vir verdere inligting skakel die sekretaresse by 023-614 1390.

## 7. SKOOLKOSHUIS

Die skool beskik oor 'n koshuis wat tot 80 koshuisgangers kan huisves. Slegs leerders uit ons omgewing word gehuisves. Die koshuis sluit elke naweek. Vir verdere inligting skakel die koshuisvader, Mnr. Duan van Brouwershaven, by 023 - 6141280.

## 8. PERSONEEL

Skoolhoof	Mnr. J. Benadie	BCom, HOD
Adjunkhoof	Mnr. T. Prins	BCom, HOD
Departementshoof	Mev. J. Beukes	BSc (Bosbou), NOS
Departementshoof	Mev. L. Ferreira	BMus, MMus, NOS
Onderwysers	Mev. M. Badenhorst	BA (Beeldende Kunste), Hons, HOD
	Mnr. P. Booysen	BEd VOO
	Mev. C. Burger	BA (Geesteswetenskappe), NOS
	Mev. S. Burger	BA (Sportwetenskap), BEd (Hons), NOS
	Mej. A. Fourie	BSc (Menslike Lewenswetenskappe), NOS
	Mev. E. Joubert	BSc, NOS
	Mnr. J. King	BEd (Hons), NOS
	Mej. S. Lubbe	BEd Senior fase en VOO
	Mnr. A. Metelerkamp	BA, NOS
	Mej. F. Nel	BEd Senior Fase en VOO
	Mnr. J. Olivier	BA (Sportwetenskap), NOS
	Mnr. M. Roos	BA (MBK), HOD
	Mev. A. van Brouwershaven	BCom (Ekonomie), NOS
	Mnr. D. van Brouwershaven	BEd VOO
	Mnr. A. van der Walt	BEd VOO
Mev. I. van Heerden	BA (Ed)	
Mev. A.R. van Niekerk	BA, HOD	